



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita P. Balthassaris Alvarez, Societatis Iesv Religiosi

Puente, Luis de la

Coloniae Agrippinae, 1616

Cap. XII. Mittitur Metinam de Campo, & Anno 1567. Professionem edit
quatuor Votorum, quam servavit

urn:nbn:de:hbz:466:1-43347

CAPVT XII.

MITTITVR METINAM DE
 Campo, & Anno 1567. Professionem e-
 dit quatuor Votorum, quam ad
 unguem seruatit.



VM opera à Patre Balthassare **ANN O**
 Abulæ præstita apertum adeò **1566. 1567.**
 testimonium darent magni e-
 ius talenti & Zeli ad animas ad
 perfectionem dirigendas ac
 deducendas: operæ pretium
 iudicârunt Superiores Metinam
 illum mittere, vt Rectoré & Tyronū Magistrum
 ibi ageret, eadem ratione nostros ibi dirigeret, ac
 iuuaret. Migravit itaq; Metinam de Campo Anno
 1566. post Festū Epiphaniæ. Sed priusquam refera-
 mus, quæ illic in proximos egit: expediet duo præ-
 mittere præclara, quæ illi in eodē loco euenerunt
 Anno, 1567. Nā primo die Maij eius anni edidit so-
 lenne Professionē, quam in Societate appellamus
 Quatuor Votorū, qui maxim⁹ est gradus in nostra
 Religione: quo illa viros reputat in virtute ac li-
 teris consumatos, quos ad eā admittit. Quæadmo-
 dum enim in Catholica Ecclesia duplex est Perfe-
 ctionis Status: alter ad eā assequendā tendentium;
 alter eandē docentium: primus est Religiosorum
 proprius qui (teste S. Thoma cū de his statibus **2.2. q. 186. d.**
 agit) non tenentur statim esse perfecti; sed per **1. ad 3. q. 6.**
 media, quæ ipsorum Institutū præscribit, ad eam **2. ad 1.**
 contendere. Secundus est proprius Episcoporum,
 qui tenentur esse perfecti: quia sicut nemo potest
 esse

esse in aliqua scientia Magister, in qua non sit perfectus: ita, qui ratione sui status est constitutus ad perfectionem docendam, debet esse in illa perfectus. Sed quoniam Episcopi non possunt assistere & per se ipsos attendere omnibus ministris, quæ talis doctrina complectitur, ad discendum suos Coadiutores, animarum Pastores, & alios Ecclesiæ ministros: ita, inquam, S. P. noster Ignatius, cælesti luce illustratus, instituit in Societate diuersos status & gradus cum aliqua similitudine, ac proportione ad eos, qui sunt in Ecclesia nam Tyrocinio finito emittuntur tria substantia Religiosis vota, quibus emissis nouitij sunt uere Religiosi, ac proinde tenentur ad perfectionem tendere, per media, quæ Societas illis, suis legibus, ac Regulis præscribit. Et hic status durat tempore studiorum, quod ordinariè est septem annorum. quo tempore scientias addiscunt ad necessaria ministeria aptè peragenda necessarias: quibus studiis absolutis habent adhuc tertium annum Probationis, in quo spiritum renouant, & ex instituto sese applicant ad exercitia virtutum instar Tyronum. Et cum fiunt Sacerdotes, exercent ad aliquid quod tempus aliqua ministeria; studentes interim propriæ perfectioni consequendæ iuxta nostrum Institutum: quo tempore Superiores obseruant & experientiam ipsam discunt talenta illorum in virtutibus, literis, prudentia, & actione cum promissis. In quibus omnibus dum vident, sibi satisfactum; & quod illi sint viri consummati & perfecti, eos admittunt ad solennem QUATUOR VOTORVM Professionem: in qua ultra ordinaria tria Paupertatis, Castitatis, & Obedientiæ, addunt

quartum Specialis OBEDIENTIAE Summo Pontifici circa Missiones, quo sese obstringunt ad eundem ad quamcunque orbis partem, quò ipse illos mittere voluerit, siue ad fideles, siue ad infideles, ad dilatandam scilicet Catholicam fidem, & promouendam salutem animarum per ministeria lectionum, Concionum, & Administrationis Sacramentorum, & reliqua nostri Instituti: ad quæ præstanda necessaria est valde heròica resignatio, virtusque valde perfecta, cum insigni Dei & proximorum amore & charitate. Ac propterea non est tempus præscriptum, aut limitatum, intrà quod hæc Professio fieri debeat, iuxta nostras Constitutiones à Summis Pontificibus approbatas præcipuè in quadã bulla Gregorij XIV. cuius hæc sunt verba: *tempus promotionis ad huiusmodi gradus nullo modo volumus certum, seu determinatũ esse: sed selectos spiritus, & doctrina viros, & multũ, diuq; exercitatos, ac in variis probationib. virtutis, & abnegationis sui ipsorũ cum omniũ edificatione satis cognitos, ad professionem esse admittendos.* Et quoniã huiusmodi in spiritu & literis conspicui viri non possunt esse multi: constituit S. P. noster Ignatius inferiorem alium gradum minus peritorum, quos Coadiutores vocat, quorum sit munus, ipsos professos in eisdem erga proximos ministerijs iuuare, qui tamen quarti voti obligationẽ non subeunt.

CVM igitur P. Balthassar ad eò esset in virtute, spiritu, & scientia conspicuus, eisque talentis ornatus, vt supra diximus, ad ministeria Societatis foeliciter præstanda duodecimo post suum in Societate ingressum anno admissus est ad Professionem solennem quatuor Votorum. & quamuis non

I ut ne-

fit negandum, aliquid honoris hinc esse, quatenus est quoddam testimonium, quo ipsa Religio eum approbat in virtute & literis, quem ad Professionem admittit: reuera tamen non honoris causae talis gradus confertur; sed maioris oneris: cum nullum propterea priuilegium aut Exemptionem habeant à regulis & obligationibus reliquorum; sed potius exactiorem habent obedientiam & paupertatem, cuius speciali voto se etiam obstringunt: nunquam eam relaxandi, nec dignitatem aliquam querendi intra, aut extra ipsam Societatem; nec ullam extra illam acceptandi, nisi ab eo iubeantur, qui possit sub poena peccati eam eis imponere. Sed ille maior est honor, si quis sit in explendis suae professionis obligationibus exactus: (quod Apostolus a 2. Tim. 4. 5. vocat a ministerium suum implere) quas P. Balthassar cum magna excellentia expleuit, non minus quam voti, quam reliquorum trium, ut supra diximus. Non propria Professorum Societatis vocatio similis est vocationi Apostolorum, qui non alligabatur alicui loco, sed per varia loca & prouincias, quae illis obtigerant, excurrerant, praedicantes Euangelium: quauis in aliquibus haeserunt diutius, in quibus copiosiores collegerunt fructus: ita nostrae vocationis est diuersa loca peragere, & vitam agere in quauis mundi plaga, vbi maius Dei obsequium, & animarum auxilium speratur: Et quocumque Summus Pontifex, aut eius nomine, aut alio modo Praepositus Generalis eiusdem Societatis in eum finem nos miserit: quauis aliqui ex professis in aliquo loco haereant, quando id siue ad gubernandum, siue ad docendum, siue ob aliam diuini seruitij causam est necessarium: dantes operam, ut illum adferant fructum,

Etum de quo Christus Dominus dixit: *b Ego elegi b Ioan. 15, 16.*
vos, & posui vos, vt eatis & fructū adferatis: & fru-
ctus vester maneat. Hanc locorum varietatem, siue
 obiter in modū Exursionis & Missionis; siue cō-
 stanter diutiùs in aliquo herēdo, explicauit Isaias
 duplici aptissima similitudine, conferens Euan-
 gelicos Operarios *c nubibus*, quæ à ventis impulsæ *c Isaiæ 60. 8.*
volare videntur; & columbis ad fenestras suas, &
 nidos perniciousiter volantibus: verè enim nubes
 sunt nō inanes; sed cęlestis sapiētis, ac doctrinę a-
 qua plenæ, quæ flatu spiritus Sancti & Obediētis
 pulsæ discunt per totum orbem irrigantes ter-
 ram cordium humanorum, vt sanctorum operum
 fructus proferat; & aliquas quidem partes diu &
 abundantius irrigant: quia in eis commorantur;
 in alijs verò non item: eò quòd in eis non hæ-
 reant, sed obiter transeant: ita tamen, vt fru-
 ctum etiam aliquem inde colligant. Sunt quo-
 que tanquam columbæ velociter ad suos nidos
 aduolantes, in quibus oua deponunt, illisquę in-
 cubantes, pullos proferunt: eò quòd sint aues
 valde fœcundæ. Nam quamuis ex se ipsis ad quie-
 tem in aliquo angulo magis propendeant, in quo
 orant, gemūt, diuinaquę mysteria meditantur, &
 animarum suarum magnum obtinent solatium:
 ibi tamen filios spirituales generant, & ma-
 gna cum perfectione alunt, valdequę veloci-
 ter ad loca diuersa volant, tanquam ad diuer-
 sos nidos: vt in omnibus similes filios progig-
 nant.

TALIS fuit & quidē cū magna excellentia vita
 P. Balthassaris, præcipuè post emissam Professio-
 nem: nam licet valde propenderet, optaretquę
 collectus

collectus omnino esse, meditari, orare, & contemplari: in quocunque tamen fuit Collegio, gessit se tanquam columba foecunda, plures generans filios spirituales; quos ita educabat, ut essent viri perfecti. Sed ut fructus eius copiosus esset, & ad plures extenderetur, educebat illum Deus ex particularibus Collegijs, ut tanquam neriata nubes tantâ sapientiâ ac doctrinâ, excurreret per varias partes irrigans & foecundans animas. Quare illum Merinâ eduxit, ut Romam proficisceretur; & inde rediens, factus est Castellanus huius prouinciæ Vice-Prouincialis: Ex angulo illo Villagarti misit ad visitandam Prouinciam Aragoniæ, & inde, ut esset Prouincialis Tolletanæ: & prius agebatur, ut mitteretur Prouincialis Peruanæ Prouinciæ in Regionem adeo remotam, & infidelibus refertam: ipse tamen ex parte sua promptum & absque vlla replica ad illam profectionem sese obtulit: ac re ipsa factum fuisse, nisi aliunde fuisse impeditus. Ex peditâ autem vnâ ex illis profectionibus & occupationibus, aliam similem Deus illi preparabat ad quam tanta promptitudine, ac celeritate ipse offerebat, sicut ad primam, in quo promissum illud implebatur, quod Deus sancto Iob dixit: *c. Iob 38. 35. Lib. 30. Mor. cap. 2.* *c. Nunquid mittes fulgura, & ibunt; & reuertentur dicent tibi: adsumus?* qua sententia (ut Sanctus Gregorius exponit) insinuare voluit Deus, à domino suo consilio & voluntate mitti operarios angelicos ad varias mundi partes, instar velocissimorum fulgurum, ut illustrent & accendant animas in amore & obsequio sui Creatoris. Quibus missione expedita reuertuntur ad ipsum, glorificati.

eantes, gratiasque ei agentes ob fructum productum, qui verè ipsius est: & iterum eidem se offerentes, ac dicentes: ecce adsumus prompti, vt nos quocunque placuerit mittas. Quos cum diuina Maiestas adeò gratos experitur nouas illis offert occasiones, quibus magis ipsi proficiant, & copiosiores fructus colligant, quod fecit Pater hic Balthassar vbicunque fuit, vt ex ijs apparet, quæ fecit Abulæ; & magis apparebit ex dicendis, quæ alibi fecit.

CAPVT XIII.

HOC IP SO ANNO LARGITVR

*Ei Deus insigne Orationis & Contem-
plationis donum, cum duodecim
stupendis fructibus: rem to-
tam refert ipse Super-
riorum iussu.*



HOC ipso tempore plus minus expleti sunt sexdecim anni, quibus Deus P. Balthassaré cōtinuit in ordinaria orationis ratione & via, mentis scil. ratiocinatione & meditatione: quam inceperat quatuor annis ante ingressum in Societatem: incepit enim huic orādi modo vacare (vt cap. i. est indicatum) Anno 1551. ab eo, inquam, tempore, vsque ad Annū 1567. quo suam edidit professionem elapsi sunt. 16. prædicti anni: quo tempore exaltatus à Deo fuit ad excellentiorem orationis rationem, quietis scilicet & vnionis; & ad perfectam illam quietamq; con-
I 3 tem-